



UNIVERSITÄTS-
BIBLIOTHEK
PADERBORN

**Jacobi Sadoleti Card. Et Episcopi Carpentoractensis Viri
Disertissimi, Opera quæ exstant omnia**

Sadoleto, Jacopo

[Francofurti], 1607

XVIII. Iac. Sadol. Card. Marcel. Ceruino Episcop. Neocastrensi, S.P.D.

[urn:nbn:de:hbz:466:1-69244](https://nbn-resolving.org/urn:nbn:de:hbz:466:1-69244)

XVIII.

IAC. SADOL. CARD. MARCEL.

Cervino Episcop. Neocastrensi, S. P. D.

SCRIPTVM mihi à meis est, te Pontificis Max. beneficis omnium bonorum consentiente læticia, collegis meis amicis patribus libenter prompree; sententias dicentibus, in eum ordinem cooptatum esse, qui maximè istam virtutem, probitatem, integritatem, quæ in te est, requirit & postulat. Quo nuntio ita gaudis sum, ut si germanum fratrem meum eodem honore esse affectum cognovissem, non minus ad me quædam pervenire potuerit. Faueo enim virtuti: & si quisquam est, qui probos & doctos viros ad honores & publica munera promovet, cum ego me esse confiteor. habeo enim ardam, & habui semper, cum bonis necessitudinem: nec plus valere sperant sentio sanguinis coniunctionem, quam virtutis. Quæ cum tui mei animi iudicio egregiè sis præditus: cumque tui mores, pudor, ingenium, gravitas, semper mihi summè placuerint, quæ hæc etiam illustriora sunt, quod artium liberalissimarum cognitione & scientia sunt ornata, non potui non magnopere, & episcoporum ordini gratulati, & Pontifici Maximo, Farnesioque nostro clarissimo & spectatissimo iuveni agere gratias, qui talem virum ad Christianæ religionis gubernacula induxerint: cuius similes quam multos si haberet nostra ætas, non tam gravi infamia, & que odio apud omnes ferè nationes sacerdotum nomen laboraret. Vides ipse profectò (potuisti enim iter faciens multa cognoscere) quanta in invidia sumus apud omnes, quam malè quiescit de nostris moribus sentiat. Cui quidem incommodo remedium est opportunissimum, si præficiantur hi ecclesiarum administrationi, qui ad eas gerendas non cupiditatem quæsus, nec populi rem pompam & iactationem: sed fidem, sed iustitiam, sed religionem afferant. Quod quidem Paulus tertius Pontifex maxime omnium, quos ego noverim, Pontificum effecit. Est enim semper in cælum tollenda iustissimis laudibus præstantissimæ Pontificis virtus & voluntas. Tantum cuperem, ut quod ipse per se facit, cæteros quoque, qui habent nominandi facultatem, agere idem, atque observare cogeret. Sed ego in hæc paulisper digressus sum, ut intelligas Marcelle mihi charissime, quod in negotium, & quam in curam sis vocatus: quam splendidam, quam amplam, quam difficilem (hoc quidem tempore) & perinstructam: etsi non eges tu quidem cuiusquam admonitione. Verumtamen amor in se meus suscipere me partes benevolentere, si minus necessarii monitoris cõlegit. Sed quod extraneum est,

ego & tibi quoque isti honori, quem iam pridem meritis nunc de-
 mum adeptus es, & Ecclesiae tuae Neocastrensi, quae tam specta-
 tum prae se habet, valde ex animo gratulor. Deum quoque oro,
 ut tua res vobis bene feliciterque eueniat: tuque maioribus quotidie
 honoribus dignus existimere. Quod quidem factu per facile tibi
 erit, qui & probitate, & prudentia instructus es: nosque qui te a-
 mamus, tuae nunquam laudi dignitati que decimus. Quandoqui-
 dem sanctus honestisque consilii, cuiusmodi tua confidimus sem-
 per futurus, Deus, & fortuna, & bonorum amor assidue suffraga-
 tur. Vale. Carp. X. Calend. Octobris, M. D. XXXIX.

XIX.

IAC. SADOI. CARDINALIS HIPPO-
 lyti Essens. S. R. E. Cardinali, S. P. D.

POSTERAM nuntium accepi de amplificatione dignita-
 tis tuae, teque in ordinem amplissimum S. R. E. Cardinalium
 magno omnium consensu cooptatum esse cognoui, tantum cepi
 tibi honore tuo volupratis, quantum & virtus tua, & mea peren-
 nis, ac meorum omnium, ad vltimis usque maioribus penes no-
 strum in familiam tuam obseruantia, & fratris tui clarissimi Prin-
 cipis aduersus me benevolentia postulat: cuius ego ita multa si-
 gna amoris erga me habeo, ut ei me deuinctum non mediocri-
 ter placeam. Maximum porro illud meae in te obseruantiae & vo-
 luntatis vinculum, quod sub ditione familiae vestrae omnes mei
 facti sunt, & educati: neque solum hi qui nunc sunt, verum etiam
 illi quae qui fuerunt, & sitam ipsi fidem constanter atque in-
 tegre vobis praestiterunt, & a vobis civilibus saepe honoribus &
 praemiis, virtutis causa sunt honestati. Quam ego necessitudi-
 nis memoriam & veritatem sanctissimè mihi conseruandam es-
 se habeo. Atque huius mei animi cum Alfonso pater tuus opti-
 mus esse testis, si viveret, cuius ego temporibus, quantum sal-
 ua dote mea mihi licuit, omni in varietate rerum nunquam de-
 fui: cum fratrem tuum arbitror non leuia mea huiusce voluntatis
 signa indiciaque perspexisse. Sed hactenus praeterita. Nunc
 quod huius est temporis, cum tua virtus & nobilitas aditum tibi
 praestantissimo in honore, ad tuam declarandam animi ma-
 gno iudicio, eamque voluntatem, quam erga Christianam Rem-
 pub. habes, aperuerit: quae quidem Respub. si alias vnquam,
 hoc cum maxime tempore talibus & viris, & subsidiis eget: pri-
 mum gaudeo, tibi oblatam occasionem, omnibus ostendendi,
 quo & genere, quaque ex disciplina, hoc est, quibus ex fontibus
 honoris, virtutis, nobilitatis, ad commendationem hominum, fa-
 maque processeris: deoque tibi, & generi tuo, nostraque communi pa-
 triae

